

植物名實圖考

三十六

三

植物名實圖考卷之三十三

固始吳其濬著

蒙自陸應穀校刊

木類

柏

檜

刺柏

松

茯苓

桂

蒙自桂樹

巖桂

桂寄生

木蘭二圖

辛夷

杜仲

槐

槩木

榆

漆

女貞

五加皮

枸杞

溲疏

附

蔓荊

酸棗

蕤核

厚朴

秦皮

合歡

阜莢

桑

桑上寄生

吳茱萸

山茱萸 二圖

秦椒 蜀椒

崖椒

衛矛

梔子

枳實

楝

桐

梓

柳

欒華

石楠

郁李

鼠李

蔓椒

巴豆

豬苓

詹糖香

楮

杉

沙木

樟
樟寄生附

檀香

櫟



柏

柏本經上品葉脂實俱入藥用有圓柏側柏圓柏卽栝有赤心者俗名血柏

檜

木類卷之三十三



檜

檜卽栝書疏栝柏葉松身與爾雅檜同爾雅翼今人謂之圓柏以別於側柏其一種刺柏木理亦相類老學菴筆記謂有海檜土檜二種海檜難致不知其葉有別否檜柏一枝之間或檜或柏庭院多植之爲玩又有三友柏一株而葉有圓側刺三種




刺柏

木類卷之三十三

刺柏

刺柏葉如針刺人圃人多翦其葉揉其幹爲盆玩或亦曰刺松
說文櫻細理木也段氏注櫻見西山經南都賦郭曰櫻似松有
刺細理劉淵林注蜀都賦楔似松有刺楔蓋櫻之譌按此木理
極堅緻但葉如刺耳五臺有落葉松有刺能毒人肉今志中失
載



松

松脂本經上品花爲松黃樹皮綠衣爲艾蒿燒汁爲松瀝松節
松心皆入藥關東松枝幹凌冬翠碧結實香美子爲珍果永平
亦有之凡北地松難長多節質堅材任棟梁通呼油松盛夏節
間汁卽溢出南方松僅供樵薪易生白蟻惟水中椿年久不腐
雩婁農曰爾雅樅松葉柏身注今大廟梁材尸子所謂松柏之
鼠不知堂密之有美樅樅蓋松類而異質耳今匠氏攻木者有
灰松黃松二種灰松易生質輕速腐爲藉爲薪皆是物也黃松
亦曰油松多脂木理堅多生山石間北地巨室非此不能勝任

余常至盧龍試院觀所謂古松者皆數百年物竦身矗幹碧潤多節與老松龍鱗澌不相屬而長風謖謖巨浪撼空審其釵股則皆七鬣意謂卽美樅也湘中方言謂松爲叢簡牘中或作樅則松樅果一類歟結實之松葉同而木駁凸凹如刻畫惟燕遼及滇有之演繁露以樅爲絲杉松杉葉迥異爾雅兩載恐非類也園庭古寺有塵尾松栝子松卽別牙松金錢松鵝毛松皆盆几之玩非棟梁之用五大夫之庶孽耳塞外五臺有落葉松蒙古取其皮以代茶高寒落木異乎後凋又其木堅有刺毒能腐人肉寄生白脂厚五六寸光潔似玉微軟而堅或有用爲鞞底又有

白松直榦盤枝上短下長望如浮圖質體獨輕非木公之別族
則因地而異其形性矣



茯苓

茯苓本經上品附松根而生今以滇產爲上歲貢僅二枚重二十餘斤皮潤細作水波紋極堅實他處皆以松截斷埋於山中經三載木腐而茯苓成皮糙黑而質鬆用之無力然山木皆以此翦薙尤能竭地力故種茯苓之山多變童阜而沙崩石隕阻遏溪流其害在遠聞新安人禁之